

VENDIM
Nr.1257, datë 23.12.2009

**PËR NJË SHITESË FONDI BASHKISË BERAT, PËR DHËNIE NDIHME FINANCIARE FAMILJES
SË SHETASIT ARTUR KAJA, SI PASOJË E ZJARRIT TË RËNË NË BANESË, MË 22.11.2009**

Në mbështetje të nenit 100 të Kushtetutës, të neneve 5 e 45 të ligjit nr.9936, datë 26.6.2008 “Për menaxhimin e sistemit buxhetor në Republikën e Shqipërisë”, të nenit 12 të ligjit nr.10025, datë 27.11.2008 “Për buxhetin e vitit 2009”, të ndryshuar, dhe të neneve 31 e 32, shkronja “a” të ligjit nr. 8756, datë 26.3.2001 “Për emergjencat civile”, me propozimin e Ministrit të Brendshëm, Këshilli i Ministrave

VENDOSI:

1. Bashkisë Berat, në buxhetin e miratuar për vitin 2009, t’i shtohet fondi prej 1 900 000 (një milion e nëntëqind mijë) lekësh, për t’iu dhënë si ndihmë financiare familjes së shtetasit Artur Kaja, së cilës iu shkaktuan dy viktima dhe tre të plagosur rëndë nga zjarri i rënë në banesë, më 22.11.2009, si më poshtë vijon:

a) Për dy viktimat Megi dhe Kelina Kaja, ndihma financiare të jetë 1 000 000 (një milion) lekë, e ndarë nga 500 000 (pesëqind mijë) lekë, për çdo viktimë.

b) Për tre të plagosurit rëndë, Hylson, Mimoza e Artur Kaja, ndihma financiare të jetë 900 000 (nëntëqind mijë) lekë, e ndarë nga 300 000 (treqind mijë) lekë, për person.

2. Ky fond të përballohet nga fondi rezervë i Buxhetit të Shtetit.

3. Ngarkohen Ministri i Financave, Ministri i Brendshëm, prefekti i qarkut Berat dhe bashkia Berat për zbatimin e këtij vendimi.

Ky vendim hyn në fuqi menjëherë.

KRYEMINISTRI
Sali Berisha